

04.05.2025

Священник: Мир всем.

Чтец: И дýхови твоємý.

Диакон: Премýдрость.

Чтец: Прокимен, глас 6: Спаси Господи люди Твоя, / и благослови достояние Твое.

Лик: Спаси Господи люди Твоя....

Чтец: К Тебе Господи воззову, Боже мой, да не премолчиши от мене.

Лик: Спаси Господи люди Твоя....

Чтец: Спаси Господи люди Твоя.

Лик: и благослови достояние Твое.

Диакон: Премýдрость.

Чтец: Деяний святýх Апóстол чтéние.

И паки диакон: Вóнмем.

Чтец: Во дни óны, умножившимся ученикóм, бысть роптáние ёллином ко еврéем, яко презира́еми бывáху во вседнёвнем служéнии вдови́цы их. Призва́вше же двана́десять мно́жество учени́к, рéша: не угоднó есть нам, оста́вльшим слóво Бóжие, служíти трапéзам.

Усмотрíte úбо, брáтие, мýжи от вас свидéтельствованы седмь, испóлнены Дýха Свята и премýдрости, íхже поста́вим над слýжбою сéю. Мы же в молíтве и служéнии слóва пребýдем. И угóдно бысть слóво сие пред всем наро́дом. И избрáша Стефáна, мýжа испóлнена вéры и Дýха Свята, и Филиппа, и Прóхора и Никанóра, и Тíмона, и Пармéна, и Николáя пришéльца Антиохíйскаго. Я́же поста́виша пред апóстолы, и помолíвшеся положи́ша на ня рýки. И слóво Бóжие растя́ше, и мно́жашеся числó учени́к во Иерусали́ме зело́, мног же наро́д священников послу́шаху вéры.

(Зач. 16. Деян.6:1-7)

Священник: Мир ти.

Чтец: И дýхови твоємý.

Диакон: Премýдрость.

Чтец: Аллилúиа. Аллилúиа. Аллилúиа, глас 8.

Лик: Аллилúиа. Аллилúиа. Аллилúиа.

Чтец: Благоволил еси Господи землю Твою, возвратил еси плен Иаковль.

Лик: Аллилúиа. Аллилúиа. Аллилúиа.

Чтец: Милость и истина сретостеся, правда и мир облобызастеся.

Лик: Аллилúиа. Аллилúиа. Аллилúиа.